

四庫全書

史部

欽定四庫全書

禮部志稿卷十四

明 俞汝楫 編

儀制司職掌

經筵

國初經筵無定日或令文學侍從之臣講說亦無定所正統初始著為儀常以月之二日御文華殿進講月三次寒暑暫免日講于文華穿殿其儀簡嘉靖初

命儒臣進講大學衍義迨西苑無逸殿成命儒臣及
經筵日講官六卿侍經筵官各撰尚書無逸詩幽風
七月講義一道于無逸殿進講萬曆初增定午講儀
視舊儀稍有損益今並列于後

經筵講儀

正統初定 凡經筵初開勅勲臣一人知經筵事內閣
學士或知或同知經筵事六部尚書左右都御史通政
使大理寺卿及學士等官侍班翰林院春坊等官及國

子監祭酒二員進講翰林春坊等官二員展書給事中
御史各二員侍儀鴻臚寺錦衣衛堂上官各一員供事
鴻臚寺鳴贊一員贊禮序班四員舉案勲臣或駙馬一
人領將軍侍衛禮部擇吉題請先期直殿內官于文華
殿設御座又設御案于殿內御座之東稍南設講案于
御案之南稍東是日早司禮監官先陳所講四書經史
各一冊置御案又各一冊置講案皆四書東經史西先
期講官撰四書經或史講章各一篇預置于冊內是日

早上御文華殿陞御座將軍侍衛如儀鴻臚寺官引知

經筵及侍班講讀執事侍儀等官于丹陛上行五拜三

叩頭禮畢

以後每月初二十二
十二日止行叩頭禮

以次上殿依品級東

西序立知經筵官序于侍班官上侍儀御史給事中于

殿內之南分東西北向序班二負舉御案置御座前二

負舉講案置御案之南正中鴻臚寺官贊進講講官一

負從東班出一負從西班出詣講案前稍南北向並立

東西展書官各一負從本班出進至御案之南銅鶴下

東西向立鴻臚寺官贊講官鞠躬拜叩頭興平身畢東
班展書官進詣御案前跪展四書畢起退立于東鶴下
講四書講官進至講案前立奏講某書講畢稍退展書
官詣御案前跪掩四書畢仍退立于鶴下西班展書官
進詣御案前跪展經或史畢起退立于西鶴下講經史
講官進至講案前立奏講某經或某史畢少退並立如
初展書官詣御案前跪掩書畢仍退立于鶴下鴻臚寺
官贊講官鞠躬拜叩頭興平身各退就東西班展書官

隨之序班二員舉御案二員舉講案退至原所鴻臚寺
官贊禮畢命賜酒飯鴻臚寺官及各官皆跪承旨出至
丹陛上行叩頭禮至左順門酒飯畢入行叩頭禮

嘉靖二年奏准八月二十二日恭遇憲宗純皇帝忌辰
是日經筵官各具青綠花樣衣服光祿寺仍具酒飯續
更定具素服角帶

十年十月初二日孝潔皇后忌辰令經筵官服青綠花
樣隨侍人員淺淡衣服

隆慶元年定先一日告奉先殿告几筵先五日命司禮監同各官詣文華殿演禮是日上詣文華殿左室展禮先聖先師又定講章于前兩日先進呈覽凡假日先期傳免

萬曆二年定春講以二月十二日起至五月初二日止秋講以八月十二日起至十月初二日止不必題請

日講儀

上御文華穿殿止用講讀官內閣學士侍班不用侍衛

侍儀執事等官侍班講讀等官入見行叩頭禮東西分立先讀四書次讀經或讀史每本讀十數遍後講官先講四書次講經或講史務在直說大義明白易曉講讀後侍書官侍上習書畢各官叩頭退文華殿賜茶

今不行

文華門賜酒飯

午講儀

隆慶六年定 每日早閣臣及講官講畢各退上進煖閣少憩司禮監將各衙門章奏進上御覽閣臣等退西

廂房伺候上有所諮問即召至御前將本中事情明白敷奏覽本後閣臣率領正字官恭侍上進字畢若上欲再進煖閣少憩閣臣等仍退至西廂房伺候若不進煖閣閣臣等即率講官再進午講講通鑑節要候通鑑講完以貞觀政要進講講官務將前代興亡事實直解明白講畢各退上還宮一每月三六九視朝日暫免講讀上于宮中有暇將講讀過經書從容溫習或看字體法帖隨意寫字一幅不拘多寡一每日定以日出時上早

膳畢出御講讀午膳畢還宮

講大學衍義儀

嘉靖六年定 每月初三初八十三十八二十三二十八日用經筵日講官二員進講內閣學士一員侍班講畢賜茶賜酒飯俱如日講儀

無逸殿講儀

嘉靖十年定 先一日設司監官于無逸殿設御座御案及講案如文華殿月講之儀是日質明上具常服乘

輦至無逸殿門衆官于門外迎候上降輦乘板輿至殿
內降輿陞御座鴻臚寺官贊各官于殿門外入拜行一
拜三叩頭禮畢進入殿內各照品級東西序立序班二
員舉御案置御座前二員舉講案置殿門內西邊東向
設坐位鴻臚寺官贊進講講官大學士一員出班行叩
頭禮上命賜講官坐講官并鴻臚寺官承旨贊叩頭訖
展書官詣御案前跪展講章退講官坐講坐展書官詣
御案前跪掩講章講官叩頭訖復班又大學士一員出

班叩頭承旨坐講展書官一員展書俱如前儀序班二員舉御案二員舉講案退至原所鴻臚寺卿奏禮畢有旨賜宴衆官承旨訖退至幽風亭前迎候上陞版輿至亭內降輿陞御座賜宴

儀具宴亭

東宮出閣講學儀

太祖命學士宋濂授皇太子諸王經書于大本堂後於文華殿及肅皇帝改為便殿遂移於殿之東廂房

初出閣儀

天順二年定 是日早侍衛侍儀如常儀執事等官于
文華後殿行四拜禮畢鴻臚寺官請皇太子陞文華殿
執事官導引至殿陞座師保等官于丹陛上行四拜禮
畢各官退出內侍臣導皇太子至後殿陞座以書案進
每日侍班侍讀講官入分班東西立內侍展書侍讀講
官以次進讀叩頭而退

每日講讀儀

一每日早朝退後皇太子出閣陞座內侍以書案進不

用侍衛侍儀執事等官惟侍班侍讀講官入行叩頭禮
畢分班東西向立內侍展書先讀四書則東班侍讀官
向前伴讀十數遍退復原班次讀經書或讀史書則西
班侍讀官向前伴讀亦如之務要字音正當句讀分明
讀畢各官退 一每日巳時侍班侍讀侍講及侍書官
俟皇太子陞座畢入東西向立侍班內侍展書先講早
所讀四書則東班侍講官進講一遍退復原班次講早
所讀經史書則西班侍講官進講亦然務要直言解說

明白易曉講畢內侍收書訖侍書官向前侍習寫字務
要開說筆法點化端楷寫畢各官叩頭而退 一午膳

後

是時已
回宮

從容遊息或習騎射

一每日晚讀本日所

授書各數遍至熟而止 一凡讀書三日後一溫須背

誦成熟遇溫書日免授新書講官通講須曉大義 一

凡寫字春夏秋月每日寫一百字冬月每日寫五十字

一每遇朔望節假及大風雨雪隆寒盛暑暫停講讀寫

字

弘治十一年定 是日早內侍設書案于文華殿內東
禮部鴻臚寺執事官于後殿行四拜禮畢鴻臚寺官請
皇太子陞文華殿導引至殿陞座三師三少并宮僚以
次序于丹陛上行四拜禮畢從殿左右門入分班東西
立通事舍人以書案進內侍展書侍讀官進讀讀畢侍
講官進講講畢通事舍人徹案各官叩頭退每日講讀
常儀與天順年同

隆慶六年增定 是日早侍衛侍儀如常儀內侍先設

皇太子座于文華殿之東廂房正中西向設書架于座之左禮部鴻臚寺執事官候皇太子出閣導引至東廂房陞座提調輔臣并侍班講讀等官以次序立丹墀行四拜禮畢各官以次入東廂房分班相向立鴻臚寺官贊起案通事舍人以講案進內侍展書侍讀官進讀讀畢侍講官進講講畢通事舍人徹案命賜酒飯各官叩頭而退每日講讀儀與天順年所定同但每日各官先詣文華門外東西向序立候皇上御日講經筵畢皇太

子出閣陞座又題准東宮初講之時閣臣連侍五日以後仍于每月三八日一至先行叩頭而出然後各官進入供事

諸王讀書儀

書堂在皇極門右廂房講官選部臣或進士改授翰林院官充之

天順二年定 初入書堂其日早王至右順門之北書堂面東中坐提督講讀并講讀官行四拜禮畢內官捧

書展于案上就案左立講讀官進立于案右伴讀十遍
叩頭退

一每日講讀清晨王至書堂講讀官行叩頭禮伴讀
十遍出飯後復詣書堂伴看寫字畢講書直說大意
畢仍叩頭退內侍以所寫字送內閣點看

萬曆六年詳定

一是日王出閣先期一日內侍官設座于書堂內坐
西面東設書案于座之左側置書于案設寫字案于

座之右側置筆硯放紙于案是日早輔臣率領講讀侍書官於書堂門外稍南北面拱立伺候王入書堂內坐定令旨說先生每來輔臣率各官進入行四拜禮分班侍立內侍官舉書案就案左立講讀官以次進立于案前授書各十遍訖令旨先生每吃酒飯內侍官答應各官出王暫入書堂南間少憩輔臣再率各官入侍王寫字講書候王出坐定令旨說先生每來輔臣同各官入照前分班侍立內侍官舉寫字案

于座前侍書官進至案前看寫字寫畢內侍官徹寫字案舉講書案於座前講讀官以次進講畢各官行一拜禮出仍于書堂外向北立王進內各退輔臣看所寫字圈註于旁以備勸益

一次日以後每日早王出書堂各官進見行一拜禮其授書講書看字並如前儀輔臣止侍看三日三日後講讀侍書官徑自如儀授書講書看字輔臣不預至寫字畢每日輪一內侍官捧做紙送內閣圈註

一王每日所讀書大學一本書經一本書授書務要字樣真正講書直說大意務要通曉先一日進講章三日一溫書就溫講仍進講章寫字先用影本以後寫熟對帖自寫

一各官酒飯止是初入書堂時令旨說一次以後不必再說只於講書罷令旨與先生每茶吃內侍官答應歲率為常

一每年假日聖節前後通九日千秋節九日正旦初

一日至二十日花朝一日清明一日端午前後通三日七夕一日中秋一日重陽前後通三日冬至前後通五日臘八一日除夕前五日每月朔望各一日遇大風雨暫免大寒大暑該住歇時請旨定奪

一講讀侍書官俱於歸極門南廊給與酒飯

一先期一日各該內外執事官俱赴書堂演禮

又令春講定以二月初旬起至五月初旬暫止秋講定以八月初旬起至十月中暫止

又准題輟講之後內侍書官照常啟請尋溫舊書及日
寫字送閣圈註講讀等官遵先年事例半月恭詣書堂
啟請誦書習講或別授新書等項以効忠益

巡狩

成祖未定鼎時以北京為行在歲常巡幸至肅皇巡
承天謁獻皇陵禮詳載大狩錄各朝俱不行

永樂七年北狩儀

永樂六年定 詔告天下諸司及各處鎮守總兵官知

會

一禮部預行各處凡有重事并四夷來朝俱達行在所仍俱本啓聞其餘事務奏啓俱達京師啓聞施行事有疑礙者在京各該衙門具奏取自上裁凡進拜表文達行在所箋文達京師

一禮部預行經過所在軍民衙門俟車駕至官吏生員耆老朝見及預行北京畿內文武衙門令掌印官俟車駕至朝見

一祭祀車駕將發奏告天地社稷太廟孝陵祭大江
旗纛等神輒祭于承天門其經過處所滁州遣官祭
滁陽王泗州遣官祭祖陵鳳陽祭皇陵祭淮關里遣
官祭先師孔子望祭泰山緣途古先聖賢忠臣烈士
祠墳禮部預期奏聞遣官致祭將至北京境上設壇
祭北京山川等神車駕到北京奏告天地祭告境內
山川等神

一扈從在京馬步軍五萬人內馬軍一萬步軍四萬

馬軍五千步軍五千充駕前軍餘馬軍五千步軍三萬五千分五軍率領每軍馬軍一千步軍七千以都指揮指揮千百戶管領錦衣衛仍選將軍五百人校尉二千五百人力士二千人

一侍從五府都督各一員首領官一員吏六人吏部堂上官一員文選等四司官五員辦事官二十員歷事監生四十人秀才五十人吏十人戶部堂上官一員北京等十三司官十三員辦事官十員吏二十四

人禮部堂上官二員儀制等四司官七員辦事官十員
負吏十二人鑄印局官一員吏一人匠六人兵部堂
上官一員武選等四司官七員辦事官五員吏十五
人刑部堂上官一員浙江等十三司官十三員辦事
官五員吏十三人工部堂上官二員營繕司等四司
官十員辦事官二十員吏十五人都察院堂上官一
員浙江等十三道監察御史二十四員辦事官五員
吏二十四人通政司堂上官二員首領官一員吏六

人大理寺堂上官一員左右寺官六員吏十人太常
寺堂上官二員首領官一員吏二人贊禮郎四員協
律郎一員司樂一員樂舞生二十人厨子五十人光
祿寺堂上官三員首領官一員署官十七員辦事官
六員吏三人厨子一千人鴻臚寺堂上官四員首領
官一員司儀司賓二署各一員序班四十員鳴贊四
員及通曉夷語者斟酌帶去翰林院內閣官三員侍
講修撰典籍等官六員書制勅秀才八人及譯寫四

夷文字監生十三人尚寶司官二員吏科給事中三員戶科給事中三員禮科給事中四員兵科給事中三員刑科給事中三員工科給事中三員中書舍人四員寫誥秀才五人行人司行人十員大醫院堂上官二員御醫二員生藥庫官一員醫士摘選三分之二吏三人欽天監官三員天文生十五人教坊司奉鑾韶舞司樂各一員俳優衣色長樂工斟酌用之

一扈從文武官軍人等陸路文武官員一等寫制誥

秀才譯字監生緊用供用醫士天文生及厨役人等
俱給馬羸騾匹馬官給外脚力驢給鈔六十錠令自
備辦事官監生人才吏典及醫士厨役等非緊用者
人給脚力鈔二十錠隨伍官員將軍較尉力士旗軍
每二人給驢一匹如不敷亦給鈔六十錠自備水路
俱應付船隻遇陸路應付車輛

一緣途各站每站增馬二十匹令附近衛所馬軍內
差撥仍令附近有司備車一百輛無車之處起夫五

百人聽候

一經過處所支給糧草扈從官員人等日給行糧
二升馬日給料四升草一束驢料一升草一束

一車駕將發宴在京文武羣臣賜扈從文武官員軍
校人等鈔公五十錠侯四十錠伯三十錠一品二品
二十錠三品四品十五錠五品十二錠六品七品十
錠八品九品八錠未入流及辦事官將軍總小旗人
鈔七錠將軍及各衛總小旗人鈔六錠監生秀才吏

典人才醫士樂舞生軍役力士厨子工匠人鈔五錠
軍伴皂隸樂工人等人鈔四錠在外衛所扈從及各
處駐劄官軍依京衛官軍例賞給

一車駕至北京宴文武羣臣耆老賜官員人等及命
婦鈔其當守城命婦論次行賞一遇萬壽聖節公侯
駙馬伯文武官四品以上近侍官及監察御史預宴
五品以下并辦事官監生秀才吏典軍民工匠人等
依例賜鈔一錠

一五府六部都察院大理寺錦衣衛各鑄印信通政
司鴻臚寺各官鑄關防

一扈從官員有牙牌者隨身懸帶以憑官防出入

一經過郡縣分遣廷臣考覈守令賢否即加黜陟分
令給事中監察御史存問高年賜幣帛酒肉

一經過鳳陽陵戶及親戚人賜鈔六錠耆老迎見者
人賜三錠泗州陵戶親戚耆老迎見者賞如之

嘉靖十八年南巡儀

嘉靖十八年定

一先期上親奏告皇穹宇玄極寶殿同日告聞皇祖
太廟皇考睿宗廟遣官分告北郊成祖列聖羣廟太
社稷帝社稷朝日夕月天神地祇用祭服太常寺備
脯醢酒果翰林院撰告文

一輒祭於承天門遣官祭旗纛之神用牲醴制帛三
獻如常儀

一駕發出正陽中門后妃輦轎後隨錦衣衛設欽製

武陳駕備輦輿儀仗等項扈行本衛選精壯旗校八千人內以六千人專管擡奉上座輿輦二千人專管擺執駕儀及一應正直巡綽宣傳等用選委千百戶一百二十員分投管理各分撥班接替行太僕寺調取寄養馬三千匹兌給各旗校更迭騎坐以錦衣衛指揮充前驅使領千百戶等官先往肅清道路簡命武職重臣二員留守京城兵部尚書一員參贊機務各請勅行事以文職大臣一員總督整飭宣大等處

軍務一員提督薊州山海關等處地方邊備文職重
臣一員充行邊使往遼東薊州宣大雁門固原等九
邊閱視邊備戶部賞銀隨去勞賞官軍各請勅行事
兵部奏請城四門京城九門大明門外兩邊守門文
武大臣各一員坐邊官侯伯二員增設守門官軍用
科道官點閱京城內外巡捕官軍行團營再選有馬
官軍三千員名分為兩班酌派五城地方與同舊有
官軍巡邏仍選委坐營官及各提督把總等官晝夜

巡捕安定德勝門各土城門外及鄭村壩大黃莊居庸關白羊口六處地方該營揀選有馬官軍每處一千員名分為兩班輪流下營防守安定德勝門土城各用東西官廳聽征總兵官一員其餘各用參將一員統領下營紫荆倒馬二關保定撫鎮官揀選精銳有馬官軍每關一千員名分為兩班每月輪流下營守把各委坐營官一員統領

一兵部於團營東西廳御馬監勇士內揀扈駕官軍

六千員名給兌馬匹內執武陳駕儀一千人總兵官
一員領之駕前後各二千人參將二員領之駕左右
各五百人翼駕行左右副參將領之及行文沿途撫
鎮等官調撥兵馬屯駐扈駕先期戶部請勅命侍郎
一員率屬官六員帶領太倉銀三十餘萬兩前去沿
途整理官軍糧料工部請勅差郎中一員同內官監
督理沿途橋道及行宮席殿禮部行南北直隸浙江
等十三布政司凡有要緊重事俱達行在所奏聞其

餘事務俱達在京通政司照常封進各該衙門啓請
皇太子令旨行其事有疑礙者各差人赴行在具奏
取旨各處拜進表箋除歲例等項赴在京禮部照常
類收啓請司禮監官捧進其特賀大禮不係常典者
原差人恭詣行在投進

一扈從官五府堂上官各一員首領官各一員吏各
一人吏部堂上官一員文選等四司官各一員辦事
官六員吏六人戶部堂上官二員浙江等十三司官

各一員辦事官二員吏十三人禮部堂上官二員儀制等四司官共六員鑄印局官一員辦事官六員儒士三人吏十二人鑄印匠四人兵部堂上官一員武選等四司官共六員辦事官一員吏六人刑部堂上官一員浙江等十三司官各一員辦事官一員吏十三人工部堂上官二員營繕等四司官共十員辦事官二員吏十人都察院堂上官二員浙江等十三道監察御史各二員辦事官四員吏十三人通政司堂

上官二員首領官二員辦事官二員吏二人大理寺
堂上官一員左右寺官二員辦事官二員吏二人太
常寺堂上官六員首領官二員屬官十員吏二人執
事人役四十人厨役三十人光祿寺堂上官二員四
署官四員吏四人厨役二百人太僕寺堂上官一員
首領官一員吏一人鴻臚寺堂上官俱從司儀司賓
各一員鳴贊四員序班十六員通事四員翰林院堂
上并講讀等官四員制勅誥勅二房官共二十員譯

字官生四人吏十人尚寶司官四員吏一人六科給事中十二員吏六人中書舍人一員吏一人行人司行人十員吏三人太醫院堂上官五員御醫吏目八員聖濟殿醫士選帶三分之一吏二人欽天監堂上官一員博士等官八員天文生陰陽人共十人吏一人教坊司奉鑾韶舞司樂八員俳優色長樂工二百人扈從文武內外官及各項人役合用夫馬驢騾車兩廩給口糧各項應付事宜兵部定擬奏請轉行在外

有司一體應付內府印綬監收貯先年行在衙門印信關防禮部領出給付各扈從官使用尚寶司給領文武字樣牙牌

一駕發留守大臣率在京文武衙門官員各具吉服先期赴宣武門外彰義關候送駕過退扈從官分程先發在途俱免朝參候駕惟禮兵二部鴻臚寺太常寺科道糾儀官從行先祿寺隨路預辦御膳酒飯供具凡遇行宮進膳處所各該撫按守巡兵備等官選

委精壯官軍披帶盔甲器械拱衛乘輿不許誼譁錯
亂違者聽錦衣衛即時具奏拿問其扈從官軍戶部
給散行糧工部辦鍋竈不許分外索害有司及入民
舍混擾違者許被害之人赴撫按衙門告治仍行隨
駕緝事官校訪拿重治各該軍衛有司不許分外科
斂違者聽撫按官體訪指實參究重治各衙門跟隨
吏書人等各照兵部原行關文於軍衛有司驛遞衙
門應付不許分外多索其應付衙門亦要即時應付

毋得遲悞違者俱赴所在官司告治經過駐劄地方原有商賈店舖開賣飯食等物照常市貿不許躲避亦不許從駕人員用強輕價勒買違者許被害人即時告治兵部咨行各該巡撫官預先出給榜文曉諭一經過處所真定望祭北岳恒山之神用牛犢羊豕上具常服行禮如常儀五府九卿巡撫大臣吉服陪拜衛輝遣官祭濟瀆之神用太牢鉤州望祭中岳嵩山之神滎澤祭河神俱用太牢行禮如北岳南陽遣

官祭武當山之神用牲犢沿途古帝王聖賢忠臣烈士祠墓禮部查訪預期奏聞遣官致祭帝王用太牢次用少牢又次脯醢酒果凡祭翰林院撰祭文

一各處撫按并三司官俱於所屬境上候駕先赴行在鴻臚寺報名駕至行宮各具吉服朝見所過府衛州縣官吏生員耆老人等俱于三十里外候迎道傍跪叩頭駕過退駕至行宮鴻臚寺引見俱行五拜三叩頭

卷十四
一各處近路王府許親王具常服預先出城候駕其餘宗室俱不許擅離府出迎

一諸王迎接先期命文武大臣侍于途王于道傍拱立文武大臣下馬侍上左右禮部尚書跪奏某王某恭迎聖駕見內侍官引王至駕前跪行叩頭禮禮部尚書進立于上前候旨承旨訖起立傳旨示王隨至行宮上入少憩王具冕服欽定文武大臣于殿內左右侍從官于丹墀東西侍班候上陞座鴻臚寺官引

王由殿左門入至拜位贊行五拜三叩頭禮畢上命
賜宴內侍官引王于別次少候從官叩頭如常儀王
宴畢遣大臣伴送回府駕還先以書止諸王勿煩出

送

一上臨舊邸恭詣皇考睿宗獻皇帝廟謁告

儀具祠
祭司

越四日行祭告皇天禮于龍飛殿丹陛奉皇考睿宗
獻皇帝配是日上更皮弁服詣國社壇及山川壇行
告祭禮次日恭謁顯陵

儀見祠
祭司

次日從駕官上表賀

遂頒詔前期一日鴻臚寺陳設表案詔案于龍飛殿
中錦衣衛設隨駕朝儀及迎詔綵輿香亭于丹墀教
坊司設中和韶樂百官各具朝服地方官吏師生耆
老人等俱隨班行禮是日早鳴鐘鼓上具冕服御後
殿執事官行禮畢上陞殿鳴鞭欽天監官唱時鴻臚
寺贊入班贊四拜興平身唱宣表目宣表目官宣訖
唱宣表宣表官宣訖贊俯伏興贊四拜興贊頒詔翰
林院官捧詔授禮部尚書捧詔置雲盤內叩頭興由

殿中門出置綵輿內錦衣衛官校舉輿教坊司鼓樂
前導百官趨出候于龍飛門外鴻臚寺贊入班行四
拜禮贊跪宣詔畢贊俯伏興贊搯笏贊舞蹈山呼出
笏四拜興平身禮畢禮部尚書捧詔出膳黃奏差行
人等官頒示天下

一聖駕回京上親奏謝皇天上帝于玄極寶殿同日
告謝皇祖太廟皇考睿宗廟如常儀文武官例該陪
祀者俱具祭服陪拜遣官分告北郊成祖列聖羣廟

太社稷帝社稷朝日夕月天神地祇太歲旗燾都城
隍等神承天門之神俱行禮如初

一百官上表稱賀如常儀

洪武五年定 車駕出入有司肅清道路官民不許開
門觀望行立所在官員父老迎駕者於伏外路右叩頭
俯伏候車駕前行方起若遇駐蹕之處合迎駕之人行
五拜禮車駕行處有衝入仗內者絞仗外五十步內觀
望者杖一百如于郊野外一時不能迴避者俯伏行立

觀望者杖一百典仗衛官故縱者同罪失覺減二等陳
訴寃抑仗外俯伏以聽如衝入仗內者如律合迎車駕
之人仗外不俯伏者亦如律車駕所至凡文武官非近
侍及宿衛護駕而在五十步內者依例俯伏行立觀望
者如律縱放牲畜突入仗內者杖八十

凡皇城宿衛及在京守門官員軍士遇駕出入執杖肅
立不須迴避其在外城鎮守門官及士卒如遇車駕經
行則俯伏迴避

親征

按大明集禮天子親征祭告天地宗廟社稷禡祭旗
纛所過山川皆行祭告師還奏凱獻俘於廟社以露
布詔天下然後論功行賞蓋自我二祖行之今具列
其儀以備考

親征儀

洪武三年定

一祭告天地前期擇日皇帝服武弁乘輦輅備六軍

以牲犢幣帛祭告作樂行三獻之禮

一告太廟前期擇日皇帝服輅同前每廟用牲幣行
三獻之禮其儀皆同時享但凱還則陳俘奏凱于廟
南門外

一告太社前期擇日皇帝服輅同前以牲犢幣帛作
樂行三獻之禮其儀同春秋祭社稷之儀但凱還則
陳俘奏凱于社北門外

一禡祭於國南羣神祠設旗燹皇帝服皮弁備牲犢

幣帛行三獻之禮

儀見祠祭司

一所過山川有司具牲幣皇帝服皮弁行一獻禮

儀見

祠祭

司

一凱還皇帝率諸將以凱樂俘馘陳於廟社門外伺告畢以俘馘付刑部協律郎導樂以退其告祭行三獻禮儀與出師同

一宣露布皇帝服通天冠絳紗袍陞午門樓上以露布詔天下百官具朝服聽詔儀與開讀詔赦同

一論功行賞中書省移文大都督府兵部具諸將功績吏部具勲爵職名禮部戶部具賞格中書集六部論定功賞奏取聖裁至日皇帝服充冕御奉天殿百官朝服宣制大賚詔告天下

儀見後

一諸將受賞具表箋稱謝

論功行賞儀

前期内官監陳御座香案于奉天殿如常儀尚寶司設寶案于殿上正中侍儀司設詔書案于寶案之前設誥

命案于丹陛正中之北設皇太子諸王侍立位于殿上
之東北設承制官承制位于殿上之東及宣制位于丹
陛誥命案之北吏部尚書戶部尚書禮部尚書位于殿
上之東南設大都督府兵部尚書位于殿上之西南應
受賞官拜位于丹墀之中異位重行序立位于丹墀之
南南受賞位于誥命案之南受賞執事位于受賞官序
立位之西

每受賞官用捧詔命
捧禮物者各一人

知班二人位于受賞官

拜位之北贊禮二人位于知班之北典儀二人位于丹

墀上之南文武侍立位于丹墀之北俱東西相向侍從
班起居注給事中殿中侍御史尚寶卿侍儀司官位于
殿上之東懸刀武官位于殿上之西殿前班指揮司三
人位于丹陛西東向光祿寺三人位于丹陛上之東西
向拱衛司二人位于殿中門之左右典牧所官二人位
于仗馬之前宿衛鎮撫二人位于丹陛下護衛千戶二
十八人位于宿衛鎮撫之南稍後俱東西相向護衛千
戶八人位于奉天殿東西門之左右將軍二人位于殿

上簾前之東西將軍六人位于奉天殿門之左右將軍
四人位于丹陛上之四隅將軍六人位于奉天門之左
右俱東西相向鳴鞭四人位于丹陛之南北向是日擊
鼓初嚴金吾衛列旗幟器仗拱衛司設儀仗車輅典牧
司陳仗馬虎豹內使監擎執樂工陳樂皆如正會之儀
禮部陳設詔書吏部陳設誥命戶部陳設禮物陳設執
事各立于案之左右殿前班糾儀典儀知班贊禮宿衛
鎮撫護衛將軍各入就位舍人催受賞官及侍立文武

官具朝服擊鼓次嚴侍從班文武官入迎車駕舍人引受賞官齊班于午門外之南文武官齊班于午門外之北俱東西相向擊鼓三嚴侍儀版奏中嚴御用監官奏請皇帝于謹身殿袞冕皇太子諸王于奉天殿門東耳房具冕服舍人引文武官入就丹墀侍立受賞官亦入就丹墀序立位侍儀版奏外辦皇帝御輿以出仗動樂作侍衛導從如常儀陞御座捲簾鳴鞭樂止司晨報時鷄唱訖引進引皇太子諸王自奉天門東門入樂作

由東陞陞殿東門入至侍立位樂止舍人引受賞官入
就拜位知班唱班齊贊禮唱鞠躬樂作拜興拜興拜興
拜興平身樂止承制官前跪承制由殿中門出中陞降
至宣制位吏部尚書戶部尚書禮部尚書由西門出西
陞降立于誥命禮物案之東承制官南向稱有制贊禮
唱跪受賞官皆跪承制官宣制曰朕嘉某等為國建功
宜加爵賞今授某以某職賜以某物其共承朕命
受賜員數
不拘多少
宣畢贊禮唱俯伏興樂作拜興拜興平身樂
載在其中

止贊禮唱行賞舍人引受賞官第一人詣案前贊禮唱
跪搢笏吏部官捧誥命禮部官捧禮物各授受賞官受
賞官受誥命禮物以授左右左右跪受于受賞官之左
興退復位贊禮唱出笏俯伏興復位舍人引受賞官復
位以次受賞官詣案前皆如常儀承制官吏部尚書戶
部尚書禮部尚書由西階陞西門入跪上位之西奏承
制訖興各復位贊禮唱鞠躬樂作四拜平身樂止贊禮
唱搢笏鞠躬三舞蹈跪山呼萬歲山呼萬歲再山呼萬

萬歲樂工軍校齊聲應之出笏俯伏興樂作拜興拜興
拜興拜興平身樂止贊禮唱禮畢侍儀跪奏禮畢鳴鞭
皇帝興樂作警蹕侍從導引至謹身殿樂止引進引皇
太子諸王還宮舍人引受賞官及文武官以次出至午
門外以誥命禮物置龍亭用儀仗鼓樂各送還本第

凡獻俘

永樂四年定 前期兵部官以露布奏聞禮部告示文
武百官具朝服并坊廂里老人等行慶賀禮先一日內

官設御座于午門樓前楹正中是日早錦衣衛設儀仗于午門前御道之東西教坊司陳大樂于御道南東西北向鴻臚寺設贊禮二人于午門前東西相向承制官一員位于午門前東立西向設宣制位于午門東稍南西向設文武官及諸蕃使客人等侍立位于樓前御道南文東武西相向設露布案于午門前御道東設宣露布官一員展露布官二員及刑部獻俘官位于午門前御道東稍南西向設獻俘將板位于午門前御道西稍

南北向設進露布官位于御道南稍東引禮引文武官東西序立引進露布官捧露布置于案退就位獻俘將校引俘列于午門前西邊武班之後以候上帝常服御奉天門鐘聲止鴻臚寺跪奏請上乘輿樂作至午門樓上陞座樂止鳴鞭訖贊禮贊進露布官四拜樂作平身樂止贊進露布樂作執事者舉案置于中道樂止贊宣露布官跪宣露布官與展露布官詣案前取露布跪宣訖仍置于案退贊俯伏興樂作四拜平身樂止執事者

舉案復置于御道東引禮引進露布官退贊獻俘獻俘
將校引俘至獻俘位北向立定俘跪于前刑部官詣樓
前中道跪奏云某官臣某奏云某官以某處所俘獻請
付所司伺旨有合受刑者立于西廂東向以付刑官若
上釋罪承制官詣御道跪請制由東街南行至宣制位
西向立稱有制所獲俘囚咸赦其罪宣旨曰有勅釋縛
所釋之俘叩頭訖將校引俘起引禮贊文武百官入班
北向立唱排班班齊致詞官請中道跪致詞云云賀訖

贊鞠躬樂作五拜三叩頭興平身樂止鴻臚寺跪奏禮畢樂作駕興樂止百官以次退次日行開讀禮如常儀
第三日文武百官上表行慶賀禮如賞儀

萬曆二年定 前期禮部告示文武百官具朝服詣午門前行慶賀禮先一日內官設御座于午門樓前楹正中是日早錦衣衛設儀仗于午門前上位常服御皇極殿鐘聲止鴻臚寺跪奏請上乘輿樂作至午門樓上陞座樂止鳴鞭訖鴻臚寺官宣奏畢贊獻俘將校引俘至

獻俘位北向立定俘跪于將校之前刑部官詣樓前中道跪奏云具官臣某奏云某官以某處所俘獻請付所司伺旨傳下刑部官承旨訖即同將校押出施行文武百官入班北向立唱排班班齊致詞官詣中道跪致詞稱賀訖贊鞠躬樂作五拜三叩頭興平身樂止鴻臚寺跪奏禮畢樂作駕興樂止百官以次退

凡宣捷

凡各處奏捷鴻臚寺于早朝將差來人役引至御前

宣讀捷音

隆慶六年令擇吉宣捷至日不奏事次日行慶賀禮

萬曆八年定 凡大捷於常朝期宣奏捷音是日百官各具吉服候宣捷之後鴻臚寺官致詞行五拜三叩頭禮本日早即遣官薦告郊廟行翰林院撰文太常寺辦祭品中捷以下止宣捷不行祭告慶賀禮

監國

皇帝有巡狩然後令皇太子或皇孫監國故其儀止

見於永樂嘉靖間

東宮監國

永樂七年

時駕幸北京

一朝儀凡常朝於午門左視事其左右侍衛及在京各衙門官員人等合啓事務如常儀若皇太子御文華殿官員人等承旨召入者方許入凡在京文武衙門遇有內外軍機及王府切要事務悉奏請處分其有各處起報聲息即調邊軍勦捕仍遣人馳赴行在

所奏聞皇城四門各城門守衛圍宿比常時皆須增撥官軍仍每日操閱軍馬如各衙門稱奉令旨調遣官軍及處分事務所司須覆啓施行

一慶賀凡遇萬壽聖節正旦冬至先期皇太子率文武百官于文華殿前拜進表文是日早設龍亭於文華殿中丹陛上設駕大樂鳴鐘鼓皇太子具冕服于丹陛上百官具朝服于丹墀內行十二拜如常儀禮畢儀仗鼓樂導表由中門出皇太子由左門送至午

門還宮文武百官導至長安右門外文官五品以上
武官四品以上及近侍官監察御史俱乘馬導至三
山門外以表授進表官百官各回至期行告天地壽
禮是日早設香案於文華殿丹陛上設駕大樂鳴鐘
鼓如常儀皇太子具冕服于丹陛上文武百官具朝
服於丹墀內行八拜如常儀其在京文武衙門遇萬
壽聖節禮部文職衙門共進表一通中軍都督府同
公侯駙馬伯武職衙門共進表一通正旦冬至亦如之

其正旦冬至千秋節文武百官于文華殿行慶賀禮如常儀其有王府遣人詣東宮前行禮即納其禮物宴賞差來人其應答禮者奏聞處分

一祭祀凡遇享太廟祭社稷風雲雷雨山川之神預期勅皇太子攝祭其祀典神祇太常寺預期于行在所奏聞遣官行禮

一宴賞凡四夷來朝循例宴之皇太子命禮部遣人送行在所正使人給鈔十錠從人五錠為道里費其

每日賞賜有例者循例無例者臨時斟酌賞之其京衛軍士冬夏布絹及邊衛軍士冬衣綿布循例給賞具有折賞物色該部定議具啓施行

一選法凡文選六部都察院翰林院太醫院欽天監堂上官尚寶司通政司大理寺太常寺光祿寺鴻臚寺國子監堂上掌印官六科都給事中并在外布政司王府長史有缺吏部奏請擢用其考滿黜陟并復職改用等項常選官員俱循例具啓銓注其武選除

在京五府都督在外各都司都指揮缺員者及土官
衙門奏保土人任職者兵部奏請擢用其餘襲替優
給及例應陞降改調官員具啓銓注其土官例應襲
替及保用通事把事隨司辦事長官該部具啓裁度
餘悉奏請處分其內外大小文武官員俱從行在吏
部兵部奏請銓選其有開設大小衙門該部奏請定
奪

一刑名凡內外文武大小官員有犯所司具啓准問

者問之若皇親犯小事令其在家聽候具由奏請待報若所犯重情及干謀逆者即時拘執在官先命皇親會問若事有未當及犯人不服乃命公侯伯五府六部都察院大理寺會皇親再問畢將所服情犯及擬議罪名具啓候車駕回京奏請處分其在外王府護衛指揮并長史及土官有犯事干惡逆先行收問然後奏聞其餘所犯預奏待報提問其法司問擬罪合決死罪者奏請待報其餘所犯悉具啓決放如特

奉令旨原免者不拘此例

一迎詔凡詔書至禮部設龍亭錦衣衛設儀仗教坊
司設大樂文武百官各具朝服出三山門外奉迎使
者到三山門外下馬候龍亭來捧至詔書于龍亭中
使者立于龍亭之東百官行五拜三叩頭禮訖衆官
乘馬前導使者上馬在龍亭後東邊行至長安右門
下馬隨龍亭後東由中門入文武百官于承天門外
橋南侍立東宮殿下具冕服于午門前五丈餘地奉

迎至文華殿置龍亭于正中使者立于東宮殿下於
殿前臺上樂作行五拜三叩頭禮畢樂止陞殿殿下
展詔讀訖使者捧詔置龍亭中殿下送至午門內錦
衣衛先設雲輿于午門外正中禮部官置詔書于雲
輿中文武二品以上官迎至承天門鴻臚寺先設開
讀案于承天門稍東文武百官入班贊禮唱排班班
齊鞠躬樂作四拜平身樂止贊開讀使者取詔授開
讀官跪受使者復立位所贊跪衆官皆跪開讀訖開

讀官捧詔授使者復至雲輿中贊俯伏樂作四拜平
身樂止贊搢笏鞠躬三舞蹈贊跪唱山呼萬歲者三
贊出笏俯伏樂作四拜興平身樂止贊禮畢百官以
次退使者捧詔書出承天門外復置龍亭中鼓樂送
至會同館使者見東宮殿下行四拜禮畢其日宴使
臣于禮部本部官侍宴

十二年奏定

時駕北征

凡常朝于文華殿視事其在京文武

衙門凡有應合奏啓事件奏本俱達北京敢有隱匿者

治以重罪其在京衙門合具啓事務仍依常例若係應
奏隨即具奏待報其東宮發落事件六科按月差人類
送北京敢有于題本上增減改寫旨意者凌遲處死全
家籍沒其各衙門差人出外幹辦公事仍將所辦事務
開具奏報 凡祀典神祇合應遣官祭者太常寺預期
具啓遣官行禮 凡皇親并軍職王府護衛指揮長史
等官與各處土官有犯者俱奏請提問在京文武衙門
官員有犯者堂上官具奏待報發落五品以下者具啓

拏問在外文職衙門官員有犯者方面及四品以上該衙門奏請提門五品以下具啓拏問

十三年奏定 凡京衛軍士冬衣布絹及邊衛軍士冬衣布花襖俱行在戶部奏請施行 凡進春其日早文武百官各穿顏色衣服于文華殿門外侍班如常儀應天府置春案于文華門丹墀中道之東候東宮殿下陞座引禮引府縣官舉春案由東陞陞置于殿門外中道各就拜位贊鞠躬四拜平身禮畢文武百官慶賀行叩

頭禮

嘉靖十八年定

時駕南巡

一東宮朝駕儀仗等件勅內府各該衙門先行造辦
一請勅欽命輔臣一員居守京師保護皇儲一應軍
國機務悉聽啓行

一在京文武衙門遇有內外軍機各王府緊要重大
事務悉奏請處分其有各處啓報聲息即調邊軍勦
捕仍遣人馳赴行在奏聞

一皇城四門京城九門比常皆增撥官軍守護留守武職大臣同參贊尚書仍每日操閱軍馬各衙門稱奉令旨調遣官軍及處分事務所司須覆啓施行

一五府九卿各衙門凡有緊要重事俱達行在所奏聞其每日進繳精微監生考勤宴賞鈔錠官軍俸糧及五府比試等項俱照常啓行

一祭祀凡遇忌辰陵祭各常典祭至期太常寺啓請取令旨遣官行禮郊廟社稷之祭候勅命行

一各處拜進表箋特賀大禮不係常典者原差人恭詣行在所投進其進賀中宮東宮箋文俱在京禮部類收司禮監官捧進

一各王府進慈孝獻皇后香并南京進香官朝鮮國弔使禮部啓請命司禮監官捧進几筵照例給賞綵段鈔錠

一吏部會推在京堂上官六科都給事中在外方面官知府俱行在吏部奏請擢用其大選急選并取選

遠方監生及考滿復職等項俱循例啓行

一各王府請給勅誥兩京三品以上官廕子各處土官襲職俱行在吏部奏行其官吏人等丁憂查放起復官員付選查題散官等項俱照常啓行

一兵部推補兩京五府錦衣衛在外總兵參將各都司掌印僉書俱奏請擢用其大選軍職查黃續黃官舍襲替優給土官襲替及保用通事把事隨司辦事長官等項俱具啓裁度

一各處奏報邊功應該覈勘及勘明應該陞賞等項俱啓請行

一在外撫按官劾奏不職文武官文官方面以上武官參將以上奏聞待報

一京衛軍士冬夏布絹及邊衛軍士冬衣布花襖但係年例給賞等項錢糧該衙門啓請行

一在京各邊鎮遇有緊急調用馬匹啓請調取兌用
一在京各衙門赴行在奏事人俱兵部啓請給關應

付

一各王府奏訴重情辦復爵位祿米者俱詣行在所
奏聞其請名請封請婚等項在京具啓行

一天下歲貢生員到部者該部查照事例啓行

一四夷朝貢人員到京一應賞宴該部照例啓行

一法司問擬罪犯除重囚奏請待報其餘悉具啓決
放勅諭審錄矜疑罪囚例該覆題及京官軍職犯人
例該參題俱奏請定奪

一刑名凡內外大小官員有犯具啓准問者問之若所犯情重該衙門具由奏請待報

一都察院點差各處巡按御史具奏行在餘差及考察公差回道御史俱啓行中間有推姦避事贓濫不職者具奏

一通政司每日收過奏題本照常封進下科發抄各衙門啓行其有疑碍難行者差人赴行在取旨

一大理寺審錄罪囚詳擬罪名干係生殺并提問大

小京官具奏其每月繳刑部都察院問過囚犯奏本照常啓行俱送科備照

皇太孫監國

永樂

時駕北征皇太子監國于南皇長孫監國于北後皇長孫行冠禮始尊稱皇太孫云

永樂八年定

一每日皇長孫于奉天門左視事侍衛如常儀諸司有事具啓施行若軍機及王府要務一啓皇太子處

分一奏聞行在所

一遇萬壽聖節設香案于奉天殿丹陛上皇長孫具色服于丹陛上行禮文武官具朝服于北京行禮行禮如常儀天下諸司表文俱諸北京進賀四夷朝貢俱送南京禮部啓皇太子施行

一文選行在六部都察院等衙門及北京行部所屬衙門如有缺員應除補者五品以上行在吏部移咨南京吏部啓皇太子選補六品以下及考滿起復例

應陞降復職及對品改用常選官撥用吏典俱循例
啓皇長孫施行

一武選行在五軍都督府及行在後軍都督府所屬
衙門例應襲替優給降陞者行在兵部亦循例啓皇
長孫施行其餘非常選者啓皇太子斟酌行之

一內外軍吏軍民有犯所司啓皇長孫施行若皇親
有犯小事令其在家聽候所司啓皇太子待報施行
若所犯情重及干謀逆者即時拘執先命皇親會同

若事未當及犯人不服乃命公侯伯五府六部都察院大理寺會皇親再問將所服情犯啓皇太子候車駕回京奏請處分其王府護衛指揮及長史有犯干惡逆者先行收問然後啓皇太子其餘有犯啓皇太子待報收問其行在刑部都察院北京行部議擬囚人應死者監候啓皇太子待報施行餘悉啓皇長孫裁決

禮部志稿卷十四

欽定四庫全書

史部
禮部志稿卷十五

詳校官編修臣黃壽齡

編修臣程嘉謨覆勘

總校官知縣臣楊懋珩

校對官助教臣常循

謄錄監生臣朱清渠

欽定四庫全書

禮部志稿卷十五

明 俞汝楫 編

儀制司職掌

王國禮

封爵

國家稽古法封同姓王二等將軍三等中尉三等
女封主君五等俱載祖訓職掌諸書其後宗庶日

蕃禁防寢備諸凡奏封等項稽覈尤嚴嘉靖末年
定為宗藩條例萬厯十年刪訂畫一欽定名曰宗
藩要例今見行具列于後

凡封爵典制

洪武初定親王嫡長子年及十歲立為王世子如或以
庶奪嫡輕則降為庶人重則流竄遠方王世子承襲親
王朝廷遣人行冊命之禮如無嫡長子以庶長子承襲
親王次嫡子及庶子年至十歲皆封郡王子孫未封者

稱王子王孫言語皆稱裔旨郡王嫡長子襲封郡王郡
王受封并郡王嫡長子襲封者亦行冊命之禮如無嫡
長子以庶長子承襲次嫡庶子俱受鎮國將軍鎮國將
軍之子授輔國將軍輔國將軍之子授奉國將軍奉國
將軍之子授鎮國中尉鎮國中尉之子授輔國中尉輔
國中尉以下俱授奉國中尉

永樂間定鎮國將軍從一品

舊三品

輔國將軍從二品

舊四品

品奉國將軍從三品

舊五品

鎮國中尉從四品

舊六品

輔國

中尉從五品

舊七品

奉國中尉從六品

舊八品

世子嫡長

子封世孫郡王嫡第一子封長子長子嫡第一子封長

孫

親王選婚封親王妃世子封世子妃郡王封郡王妃世

孫封世孫夫人長子封長子夫人長孫封長孫夫人鎮

國將軍封鎮國將軍夫人輔國將軍封輔國將軍夫人

奉國將軍封淑人鎮國中尉封恭人輔國中尉封宜人

奉國中尉封安人 親王女封郡主郡王女封縣主鎮

國將軍女封郡君輔國將軍女封縣君奉國將軍女封鄉君中尉之女俱稱宗女世子女與郡王女同世孫及郡王長子女與鎮國將軍女同長孫女與輔國將軍女同其靖江王府合比正支郡王遞減一等女封縣君將軍以下俱照例遞減

弘治十年定郡王出府止封一妃鎮國輔國將軍各止封一夫人奉國將軍封一淑人鎮國中尉封一恭人輔國中尉封一宜人奉國中尉封一安人妾媵不封

凡親王封典

萬曆十年議准親王薨逝其子應襲封及世子承重者
先請勅管理府事俟服制已滿方許請封不得服內陳
乞正德四年例若薨而絕嗣許親弟親姪進封為親王如無

親弟親侄以次挨及倫序相應者進封該有期功服制
亦先請勅管理府事俟本等服制滿日請封日後子孫
除承襲親王外其餘俱照依原封世次授以本等爵級
不准加封若嘉靖四十四年例前加封者姑准照常傳

襲例後加封者查照世次改正其進封者所支祿米如原係郡王仍支郡王祿原係將軍中尉仍支將軍中尉祿日後子孫襲王亦照始進封之祿支給

萬曆七年例

凡追封親王

嘉靖八年令凡孫襲祖爵者得追封其父母曾孫襲曾祖爵者得追封其祖父母父旁支襲爵者得追封其本生祖父母父妻先故者得追封為妃

郡王同

萬曆七年議准世子早逝其子承襲而追封者子孫封

爵姑免查革若原非聽繼親王人數特以子進封而得
追封者雖在例前其次嫡庶子止授本等官職已封者
姑俟身終其子改正若追封在例後者雖係世子其次
子止照原議授以本等官職

十年議准親王薨逝世子先故或以孫承襲而追封世
子為親王或親王故絕旁支進封而追封其父為親王
其次子以下俱照依原封世次授以本等爵級不准加
封若嘉靖四十四年例前加封者姑准照常傳襲例後

加封者查照世次改正

凡郡王封典

萬曆十年議准凡郡王薨逝原與親王同城者其子孫服滿之日照常請封若另城者應襲子孫先請勅管理府事亦候服制滿日請封故絕者俱不得襲封與親王同城者某宗支自奉親王約束止許推舉倫序相應之人以本等爵職請勅奉祀另城者許推舉一人以本等爵職請勅管理府事亦不得陳乞繼封

正德四年例

若以郡

王進封親王者其郡爵亦不許補襲請勅奉祀如前例

嘉靖四十
四年例

凡追封郡王

萬曆十年議准郡王薨逝長子先故其孫承襲之後例
得追封長子為郡王其次子以下俱照依原封世次授
以本等爵級不得比世子例前追封親王例冒請加封
弘治七
年例 其追封親王郡王之嫡妃已故一體追封為親
郡王妃若係見存亦准加封但止請勅知會不遣官冊

封不給冠服等件

弘治十年例

凡請改封典

萬曆十年議准親王嫡長子封為世子次嫡庶子封為郡王郡王嫡長子封為長子次嫡庶子封為鎮國將軍如世子長子有故親王次嫡子改封世子郡王次嫡子改封長子或妃年五十以上無出及妃已故親王庶長子亦改封世子郡王庶長子亦改封長子若未封者徑得請封親王嫡長孫封為世孫郡王嫡長孫封為長孫

親王嫡長曾孫封為曾世孫郡王嫡長曾孫封為曾長孫如世孫長孫有故次嫡庶孫應繼王爵者亦許改封

為世孫長孫

嘉靖四十四年例

凡庶子襲封

萬曆十年議准親郡王娶有內助妾媵不論入府先後已未加封所生之子皆為庶子如嫡子有故庶子襲封父爵定以庶長承襲若有越次爭襲朦朧奏擾者將本宗叅究罰治輔導官并同謀撥置之人行巡按御史提

問治罪

凡請封生母

洪武二十五年議准王妃以下有所出者稱夫人

弘治四年定親王庶子受封其母始封夫人 十三年

奏准親王妾媵生女者不得援生子例請封夫人

嘉靖四十三年題准親王之妾其子已襲封親王而嫡

妃不存者准封繼妃郡王之妾其子已襲封郡王而嫡

妃不存者准封次妃俱止請勅知會不給誥命冠服其

身後減半祭葬

萬曆七年議准將軍以下其生母年踰七十者許其陳請各從子爵秩准與封號

十年議准親王庶子襲封親王而嫡母不存者生母許

封次妃

弘治十年例

但不得濫請繼妃封號郡王庶子襲封

郡王而嫡母不存者生母亦許封次妃俱止請勅知會不給誥命冠服身後與祭一壇無葬若已故者俱准

追封次妃其親王庶子初封郡王者生母

弘治四年例

不在

次妃之例將軍中尉如嫡母不存其生母亦各從子之
爵秩授封夫淑恭宜安人止行文該府知會俱不給誥
命祭葬若已故者亦准追封其養母庶母不許一槩濫
請至於生母年老多疾其子願請出府就養者許其陳
乞嘉靖十一年例子多者仍聽遞相迎養萬曆七年例

凡遣使冊封

嘉靖三十二年題准每年冊封三月題請四月初旬傳
制遣官出京 四十四年奏准冊封親王及親王妃勳

戚大臣為正使翰林坊局六科尚寶及卿寺五品以上
官副之冊封世子郡王及世子郡王妃翰林坊局六科
尚寶及卿寺五品以上官為正使部寺屬官中書行人
等官副之

凡冊寶冠服

洪武間定凡親王王世子俱授金冊金寶寶行印綬監
鑄給冊行銀作局造辦冊文行翰林院撰作中書科書
寫冠服儀仗行內官監造如係舊府先年曾請封世子

者金寶儀仗傳用俱不另給世子承襲止授金冊傳用
金寶郡王鍍金銀印鍍金銀冊儀仗冠服冊文俱照世
子例行親王妃用金冊九翟冠服冊文照親王妃行餘
俱傳用世子妃用金冊七翟冠服餘照親王妃行郡王
妃用鍍金銀冊七翟冠服如初封者用儀仗襲封者不
用世子并妃郡王并妃係初封該給銀造大器一分於
銀作局關領襲封者傳用不領

嘉靖四十四年題准初封郡王及妃銀造大器俱令自備

卷十五
不許請給世孫長子長孫及世孫夫人長子夫人長孫
夫人俱止給冠服不給誥命鎮國將軍夫人及郡主以
下俱給誥命

凡酌議工價

萬曆十年議准郡王初封者爵秩雖同然有帝孫王孫
之異係帝孫者儀仗房屋冠服及身後墳價俱照例全
給其餘郡王儀仗房屋冠服止令自備不必奏請開給
身後墳價量給一半如妃先故給與造墳以後王故之日

止開壙合葬若王故在萬曆七年例前而妃今故者不必補給世子墳價與郡王同至於將軍中尉郡縣主君等房屋冠服墳價俱一槩停免

凡管理府事

正德四年例准郡王患病及薨逝其子幼小以親支暫管府事者禮部請勅令令用心撫養毋致失所候其長成仍回本府不許干預一應事務

嘉靖二十二年議准郡王惟管理府事者請勅其餘不

許瀆請

四十三年議准凡親王有罪削封本府各郡王聽自行
管束宗儀及奏請一應事件若迎接詔勅大宗廟祀則
輪遞從尊者

萬歷十年議准凡親王薨子幼許撫按官推舉郡王一
位請勅暫管府事凡一應奏請名封鈐束宗儀事件悉
令管理惟錢糧止許稽查不許收掌待嗣子年長稍知
事體即便具奏迴避其另城郡王薨子幼亦聽撫按官

於將軍中尉內推舉一位請勅攝理府事俱要倫次相應賢能素著者乃行推選不得徇情濫舉致啓爭端

嘉靖

四十四
年例

凡鈐束宗儀

弘治十七年議准各王府儀賓戚屬如自恃尊屬以王幼冲不服鈐束肆情縱欲任意非為敗倫傷化聽王指實具奏巡撫等官照例會本奏聞區處其教授等官不行勸正及軍民旗校無藉之徒並樂工人等哄誘撥置

生事者重治

正德四年議准親王患病或年雖尚幼其合府郡王將軍以下悉該聽其鈐束有事必啓而行違者許該府指實叅奏

嘉靖二十四年議准各府儀賓務要照將軍等例五日一赴府畫押或不到即時差人查究下落其有無故推托者聽親王量加罰治若累次抗違不到備由叅奏前來以憑題請處治搆訟緣事者將俸糧按月扣留在官

作正支銷

凡查革冒封

萬曆十年議准郡王無繼統之例其進封親王或薨故絕嗣或犯罪革爵者子孫弟姪及旁支疎族俱不准承襲王爵先年有冒封過者許各自首姑准本爵終身不分同城另城其長子次子俱止授世次本等爵級有以前加封者悉令改正若隱匿不首查出之日即行削奪不俟終身

凡進繳冊印

萬曆十年議准郡王初封給有冊印其緣事降革者例當繳奪若薨故而本支盡絕無人收藏者亦當追繳正德

二年及嘉靖四十年例

今後遇有此項通送親王奏繳不許稽留

外以滋弊端其有進封親王或改封世子及雖故絕本府尚有人奉祀者止令繳印不必繳冊萬曆七年例

凡宗支奏報

弘治十年令凡王府宗支但有新生子女即報本支郡

王啓親王審實年終類奏長史造冊二本齎送到部一
送宗人府比對一留禮部查考其各城另住郡王照例
徑奏教授造冊繳部

正德四年題准各王府初生子女三日後即行具本奏
報其冊一年一次備造一樣二本分送禮部并宗人府
以便查考

萬曆十年議准宗室新生子女三日後即具啓各該親
郡王及管理府事者審實取具叔生親識宮眷人等保

結明白按季類奏或因事稽遲許於下季補奏每年終
備將奏報過子女攢造文冊一樣二本齎部一轉送宗
人府比對一收貯禮部查考如有不依期奏報及未經
保結明白朦朧妄報者俱候年終將長史教授等官量
罪重輕叅治所報子女日後不許請名請封

弘治十年
正德四年

例同但當時一
年一次奏報

奏報格式 某王臣某謹奏為報生事據某郡王某等

啓稱本王長子長孫鎮輔奉國將軍中尉某等妃夫淑

恭宜安人第幾妾某氏於某年月日嫡庶生第幾子女
等例該報生乞為轉奏等因具啓到臣查得宗藩要例
內宗支奏報一欵宗室新生子女三日後即具啓各該
親郡王及管理府事者審實取具叔生親識宮眷人等
保結明白按季類奏或因事稽遲許於下季補奏如有
不依期奏報及未經保結明白朦朧妄報者俱候年終
將長史教授等官量罪重輕叅治所報子女日後不許
請名請封等因今某等第幾子女等俱係某季該報生

人數已令長史教授某人等遵例審實具結送部外理
合奏報伏乞勅下該衙門登記以便日後奏請名封臣
等不勝感戴天恩之至為此具本專差校尉某人齎捧

謹具奏聞

奏本背面俱要細書對本長史教授及用寶典寶等官職名後倣此

計開某郡

王府一某王長子長孫鎮輔奉國將軍中尉某年若干
歲正配妃夫淑恭宜安人某氏於某年月日嫡生第幾
子女如係庶出者云第幾妾某氏于某月日庶生第幾
子女收生婦某氏例該奏報

凡查叅玉牒

萬曆十年議准各王府玉牒冊每年八月以裏遵照冊式攢造一樣二本冊尾明註監造某官對同某官書寫某役差人賚送到部一轉送宗人府一收貯禮部除過期不到者聽宗人府查叅外其造到文冊但有開載不明或嫡庶混淆或名位外錯或那移封期或增減年歲等項情弊本部即將經管員役指名叅究原冊駁回另造

嘉靖四十四年例

其本年內殤卒位數照依宗支歲報冊一

體開報以備查考

玉牒冊式 某王某生子幾位女幾位第一子某某年
月日母妃某氏嫡生叔生婦某氏某年月日奏報某年
月日具奏賜名某年月日冊封為世子某年月日具奏
選婚某年月日奉禮部某字幾號勘合選到某府州縣某
籍某人第幾女某氏某年月日冊封為世子妃某年月
日入府成婚某年月日襲封為某王妃某氏同日進封
為某王妃王某年月日薨妃某年月日薨

如係次嫡庶
子已封郡王

改封世子併從親進
封者俱要明白開註

第二子某某年月日母妃內助幾

妾某氏嫡庶生叔生婦某氏某年月日奏報某年月日

具奏賜名某年月日冊封為某郡王某年月日具奏選

婚某年月日奉禮部某字號勘合選到某府州縣某籍

某人第幾女某氏某年月日冊封為某郡王妃某年月

日入府成婚王某年月日薨妃某年月日薨

餘做此第一

女某年月日母妃內助幾妾某氏嫡庶生叔生婦某氏

某年月日奏報某年月日具奏請封某年月日奉禮部

某字幾號勘合封為某郡王選配儀賓某人某年月日

冠帶成婚郡主某年月日卒儀賓某年月日卒

餘做此

某

郡王某生子幾位女幾位第一子某某年月日母妃某

氏嫡生叔生婦某氏某年月日奏報某年月日具奏賜

名某年月日授封為長子某年月日具奏選婚某年月

日奉禮部某字幾號勘合選到某府州縣某籍某人第

幾女某氏某年月日封為長子夫人某年月日奉禮部某字

幾號勘合入府成婚某年月日冊封為某王夫人某氏

同日進封為妃王某年月日薨妃某年月日薨

如係次嫡庶子

已封將軍改封長子者俱要明白開註

第二子某年月日母妃內助幾妾

某氏嫡庶生叔生婦某氏某年月日奏報某年月日具

奏賜名某年月日授封為鎮國將軍某年月日奉禮部

某字幾號勘合選到某府州縣某籍某人第幾女某氏

某年月日封為鎮國將軍夫人某年月日奉禮部某字幾號

勘合入府成婚將軍某年月日卒夫人某年月日卒

餘

此第一女某年月日母妃內助幾妾某氏嫡庶生叔生

婦某氏某年月日奏報某年月日具奏請封某年月日
奉禮部某字幾號勘合封為某縣主選配儀賓某人某
年月日冠帶成婚縣主某年月日卒儀賓某年月日卒

餘做鎮國將軍某生子幾位女幾位第一子某第一女

某輔國將軍某生子幾位女幾位第一子某第一女奉
國將軍某生子幾位女幾位第一子某第一女鎮國中
尉某生子幾位女幾位第一子某第一女輔國中尉某
生子幾位女幾位第一子某第一女奉國中尉某生子

幾位女幾位第一子某第一女以後某字輩照依世次由郡王以至將軍中尉同前開造

凡名封奏結

萬曆十年議准宗室子女請名請封俱由各該親郡王及管理府事者審實定於每季仲月類奏一次仍取具本位親支如無親支以次挨及房族宗室五位并長史教授等官兩隣收生人等不致扶同欺隱甘結于具奏之時一併差人齎送到部轉行宗人府備查生年月日

父爵母封明白回報仍將禮部收貯玉牒文冊查對相同方與題覆其或查無奏報及有差錯者行布政司查勘若有扶同隱匿將額外濫收妾媵并乞養過房來歷不明樂婦花生傳生子女捏作嫡出庶出朦朧冒請名封者本部查出或被奏告事發將本位叅降爵級保勘宗室罰革祿米長史教授等官革職一應甘結人等行巡按御史提問以枉法論罪

弘治間及嘉靖三十年例如王奏到三

月以外而長史教諭等結未到致妨查題者禮部每上

下半年查叅一次行巡按御史將長史教授等官提問
凡奏請期限

天順八年定各王府所生子女年至十五方許請封
嘉靖四十四年議准親郡王將軍中尉所生之子俱五
歲即與請名候該府奏到禮部類題行翰林院遵照祖
訓欽定字樣編擬名字附簿登記于每年三九月內類
行翰林院請勅頒行各王府

萬曆七年議准請名封過期者非特恩不准濫及冠帶

十年議准凡親郡王將軍中尉之子不分長次嫡庶俱
年五歲請名親王嫡庶子女及世孫郡王嫡長子長孫
俱年十歲請封十五歲選婚親王次嫡庶孫郡王次嫡
庶子及嫡庶女將軍中尉嫡庶子女俱年十五歲請封
即與選婚若因事耽延未能如期奏請者男請名請封
過期五年以下查題十年以下行勘十五年以下勘明
另題止給名糧五十石本折中半兼支十五年以上立
案如係聽繼王爵人數過期年久例應另題立案者臨

期請旨定奪男選婚女請封過期十年以下查題十五年以下行勘十五年以上立案其庶人請給名糧亦許十五歲具奏過期一如選婚例行

凡稽查奏勘

萬歷十年議准王府奏請名封婚禮等項長史教授等官將歷年冊籍備查的確及審據各該人役保勘明白與例相合啓王如式具奏不得受賄徇私將違碍事情混行奏擾亦不得因而留難勒指累苦貧宗其禮部行

勘事件該布政司務要查覈明確依限回覆不得止據
長史教授申文抄寫以了前件亦不得遲延日久以致
守候不便今後但有奏請違碍責在長史教授等官回
報草率及遲至一年之外者責在該布政司官聽本部
酌量事情重輕叅奏

奏請格式 一男請名某王臣某謹奏為乞恩請名事
據某郡王某等啓稱本王長子長孫鎮輔奉國將軍中
尉某等嫡庶第幾子等各年歲已足例該請名乞為轉

奏等因具啓到臣查得宗藩要例內名封奏結一欸宗室子女請名請封俱由各該親郡王及管理府事者審實定於每季仲月類奏一次仍取具本位親支如無親支以次挨及房族宗室五位并長史教授等官兩鄰叔生人等不致扶同欺隱甘結于具奏之時一併差人齎送到部等因今據某等第幾子等俱係某季該請名人數已令長史教授某人等查勘明白遵例具結送部外理合開列類奏伏乞勅下禮部照例賜名臣等不勝感

戴天恩之至為此具本專差較尉某人齎捧謹具奏聞
計開某郡王府某王長子長孫鎮輔奉國將軍中尉某
年若干歲于某年月日奏請受封為某爵于某年月日
奉禮部某字幾號勘合會選到某府州縣軍民籍某人
第幾女某氏為配于某年月日具奏于某年月日奉禮
部某字幾號勘合授封為配夫淑恭宜安人于某年月
日入府成婚于某年月日嫡生第幾子收生婦某氏已
於某年月日奏報今見年五歲例該請名如係庶出者

即于入府成婚之下云于某年月日因年足若干歲妃夫淑恭宜安人某氏無出遵例具奏娶妾於某年月日奉禮部某字幾號勘合選到某府州縣軍民籍某人第幾女某氏于某年月日入府為第幾妾於某年月日庶生第幾子叔生婦某氏已於某年月日奏報今見年五歲例該請名

一男請封某王臣某謹奏為乞恩請封選婚事據某郡王某等啓稱本王長子長孫鎮輔奉國將軍中尉某等

嫡庶第幾子某等各年歲已足例該請封選婚乞為轉
奏等因具啓到臣查得宗藩要例內名封奏結一款宗
室子女請名請封俱由各該親郡王及管理府事者審
實定于每季仲月類奏一次仍取具本位親支如無親
支以次挨及房族宗室五位并長史教授等官兩隣叔
生人等不致扶同欺隱甘結于具奏之時一併差人齎
送到部等因今據某等第幾子某等俱係某季該請封
人數已令長史教授某人等查勘明白遵例具結送部

外理合開例具奏伏乞勅下禮部照例賜給封號誥命
祿米從人等項准令于本境官員軍民良家女內選擇
具奏婚配臣等不勝感戴天恩之至為此具本專差校
尉某人齎捧謹具奏聞計開同前但某年月日奏報下
云于某年月日具奏賜名某今見年一十五歲例該請
封選婚

一女請封同前

一親王子女請封合用單本格式某王臣某謹奏為乞

恩請封事竊照臣見年若干歲於某年月日荷蒙聖恩冊封臣為某王於某年月日具奏選婚于某年月日奉禮部某字幾號勘合會官選到某府州縣某籍某人女某氏為配于某年月日具奏冊封為某王妃于某年月日入府成婚于某年月日嫡生第幾子如係庶生者云妃某氏于某年月日入府成婚無出於某年月日具奏選妾于某年月日奉禮部某字幾號勘合會官選到某府州縣某籍某人女某氏于某年月日入府為第幾妾

於某年月日庶生第幾子叔生婦某氏于某年月日奏報于某年月日具奏賜名某今年足十歲例該請封已令長史某等取具某王等無碍結狀送部外理合具奏伏望皇上篤念親親乞勅禮部照例賜給封號冊印等項遣官冊封臣不勝感戴天恩之至為此具本專差校尉某人齎捧謹具奏聞

凡親王子女報生請名選婚及親郡王併妃請封或親王選妾例應單本具奏者俱倣此

凡犯罪革爵

弘治十六年定郡王已革王爵將軍中尉已革官職或降為庶人者其降革已後所生子女不許請封

嘉靖五年議准庶人發高墻者其未革爵前所生子女係無罪之人俱存留在府居住責令相應親屬照管候長成備查伊父犯罪緣由奏請

萬曆十年議准凡宗室有犯罪革爵者未封子女無論革前革後所生一槩不許請封

嘉靖四十年例

其已封而無

同惡情由者備查所犯輕重分別奏請止係越關訐奏等項革爵者已封子孫姑免查革若犯該敗倫傷化人命強盜等項子孫除同惡隨坐外其餘一體降為庶人日後不許援引遠年寬宥事例覲復封爵萬曆七年例其在內法司及在外撫按等官但有干係宗室降革等項者俱備問所犯招由行移禮部知會以便查考

之國

祖制皇嫡子正儲位衆子封王爵必十五歲選婚

出居京邸至長始之國累朝以來財賦地不封畿
輔地不封之國不拘年歲儀具于後

凡親王之國

洪武初定王之國之日百官送至龍江關後定是日上
御奉天門早朝畢文武百官稍退侍立上降寶座後坐
王冕服由左順門內引二人朝服前導由東第二橋上
奉天門至御前行五拜禮上賜王酒飲訖叩頭禮畢上
起送王至東階上王叩頭下上目送出午門王復叩頭

闔門上還宮百官不送惟先一日早赴王府行辭禮

又定凡王之國祭祀禮用豕一羊一犛素各一壇祭於
端門不用制帛後罷端門祭用犛素二壇祭于承天門
外 凡王之國所過州縣文武官迎接便服行四拜禮

凡沿途合祀神祇近者大小皆親祭遠者望祭仍先
遣奉祀官洒掃社稷山川壇及旗纛廟預脩祭物王將
到國前三日致齋至城外本處文武官率耆老出城迎
接不行禮導王詣社稷山川壇祭祀各官及耆老隨班

陪祭禮畢送王至宮陞殿行賀禮 凡王在途遇詔赦
迎接行禮畢先退不聽開讀遇進賀表箋一體具服行
禮

天順五年奏准凡王從舊王府城外經過許出相見隨
即回府若不從城外經過者不許

弘治間議定先期辭長陵等陵臨行日王自祭承天門
之神遣官祭大通河之神 一沿途應祭神祇并至封
國告祭社稷山川等神俱翰林院撰祝文禮部差官著

落所在官司支給官錢買辦祭物 一國內社稷山川
壇各一所各該神厨神庫宰牲房各三間旗纛廟一所
正殿五間神厨神庫各三間及樂舞生樂工人等衣服
冠袍樂器祭器祭服俱工部置造 一合用樂舞生一
百二十名齋郎四十名禮生一十名鋪排一十名屠戶
一十名醫士二名厨役四名樂工二十七名燒香道士
四名該布政司着落附近府州縣照例僉送應用

又議 准通州搭蓋席殿正殿三間儀門一間廂房六

間四圍席墻以候朝謁其承奉等官殿房及氍毹綵絹之類量為減省經過軍衛有司驛傳相離水次寫遠者俱以通州為則其餘驛傳近水去處止預先整飭潔淨量掛綵幕不必再行搭蓋違者差去官指實叅奏

又議准道經南京者謁拜孝陵應天府于城外備行幄南京太常寺備酒果候王至即行禮不擇日南京各衙門官詣行幄行見王禮見畢即回教坊司不得送女樂嘉靖三十九年定

時景王
之國

先期辭長陵等陵俱用酒果

臨行日祭承天門總告京都應祀神祇王自行禮是日
祭大通河神遣太常寺官行禮 一沿途告祀直沽天
妃之神淮河之神揚子江之神小孤山之神漢江之神
一道經南京謁拜孝陵行翰林院撰祝文太常寺關
領香帛南京太常寺脩辦酒菓候王至日行禮其南京
各衙門官員赴王行幄處行禮見畢即回 一至國告
祀南嶽衡山之神望祭社稷之神山川之神王自行禮
俱用牲醴其祝文翰林院撰寫祭品行所在官司脩辦

一到國之後拜謁顯陵合用酒菓及沿途往來供應俱行各該有司備辦謁拜畢即日回府

慶賀

親王之國及受封及正旦冬至有慶賀禮其王府官典總兵撫按三司等官禮各不同今備載而賀王妃世子等禮及世子長子將軍行禮次序各附見焉

凡慶賀親王之國

洪武十八年定其日設儀仗於露臺上下之東西設大樂於露臺上東西北向陳金鼓旗于承運門外軍職官員各守殿及王城門設文武官拜位于丹墀文東武西設贊禮官二員于文武官拜位之北東西相向護從執事等官先詣圓殿後候典服官啓請王具冕服訖典儀啓執事者先行四拜禮畢各就位典儀啓請王陞殿導引官前導大樂作陞座訖樂止贊排班引禮引文武官就拜位贊班齊鞠躬樂作四拜平身樂止引禮引班首

陞自東階由殿東門入至殿中贊跪外贊同贊跪班首
衆官皆跪班首致詞云某官某等敬惟殿下欽承上命
至國之初禮當慶賀如係王府官則稱臣某等後同內
外贊俯伏興引禮引班首復位贊鞠躬樂作四拜平身
樂止典儀詣殿中跪啓禮畢樂作導引王還宮樂止各
官以次出

凡王府節旦慶賀

洪武十八年定凡慶賀正旦禮王冕服文武官朝服四

拜班首由東階陞殿致辭云某官某等茲遇三陽開泰萬物咸新敬維殿下茂膺多福賀畢俯伏興復位又四拜禮畢 凡冬至王壽日禮同惟改致詞冬至云茲遇節應黃鍾日當長至敬惟殿下茂膺多福壽日云茲遇殿下壽誕之辰某等敬祝千歲壽 凡慶賀正旦冬至王壽日惟王府官屬及附郭衙門文武官員稱賀在外各衛所府州縣衙門預期摘撥佐貳官或首領官一員至日隨班行禮其有出使官員一體隨班

十九年定在外府州縣衙門及守邊衙門不必慶賀遇
有事務許首領官承差人等具本啓聞並不許差遣將
官有妨公務

正德十三年令凡王府節旦慶賀其總兵撫按等官俱
照出使官員例便服行四拜禮

嘉靖九年議准王府節旦慶賀三司等官具朝服行禮
不許槩稱使臣一體便服

凡王妃到國

洪武十八年定五品以上命婦出城五里迎接到宮
行八拜禮 凡遇冬至正旦五品以上命婦具服詣宮
行賀禮贊四拜班首由東陞陞殿跪外命婦皆跪班首
致詞云某封某氏等茲遇正旦云履端
冬至云履長之節敬詣王妃
殿下稱賀如王府官命婦為班首則稱妾某封某氏等
後同興復位四拜禮畢其遇王妃壽誕禮同惟詣王妃
前致詞云某封某氏等敬惟王妃殿下壽誕之辰祝千
歲壽其命婦班次照夫品級

凡世子千秋正旦冬至

洪武十八年定本國官員行賀禮便服四拜不稱贊致詞出入經過官員迎接及到國各衙門官員行賀俱便服四拜

凡世子及將軍行禮

景泰六年奏准王世子既受封遇節令行公禮依宗子法重在世子家庭私會依家人禮尊歸伯叔

正德四年題准各府將軍係郡王長子之叔祖及諸叔

依文武東西列班行叩頭禮畢四品以上及長史紀善入殿五品以下于丹墀東西序立北向若有事召見者不在朔望之限又王府凡辭見官員人等每日早晚俱引見又令王所居城內布政司都指揮司并衛府州縣雜職官皆于朔望日至王府門候見若有事召見者不在此限凡朝臣奉使至王府或因事經過見王並行四拜禮

永樂八年令各王府今後遇有朝廷一應公差人員及

經過見王官員人等或與酒飮或不與亦可不許賞以物件

成化三年定凡京官公差道經王府報名見辭如遇朔望三司等官至府候見公差官員亦詣府隨班行禮若進表祭祀等項者不必隨班

正德七年令親王前門官員人等照例下馬

凡王於妃父母前行禮洪武年定王立於東西向妃父母立於西東向王行四拜禮妃父母受兩拜答兩拜其

餘親屬見王行四拜禮王皆坐受妃于父母前行四拜
禮父母正面立受其餘親屬見妃各叙家人禮

靖江王府

洪武二十八年令靖江王庶子稱王子發放言語稱裔
旨一應官員人等叅見并時節慶賀常服行四拜禮常
見行一拜禮不叩頭

慶祝

表箋進貢附

國初親王間以慶賀入朝其後至有出城之禁凡

者行禮依宗子法長子立于郡王後居中

朝見

王府官每日常朝同城三司府州縣及守禦衛分等官朝朔望其出使及經過官負有朝見禮妃父母親屬有見王禮禮各異而靖江王府禮附焉

凡王府朝儀

洪武十八年定每日王府官屬常朝依文武左右班立遇朔望本處守禦衛分及府州縣等官朝見各照品級

遇三大節止于府中行遙祝禮有進賀表有進貢
禮物 中宮東宮壽日有賀箋各有定式郡王將
軍行禮各有次序備列于後

凡慶賀禮儀

洪武六年定凡遇天子壽日王子殿前臺上設香案具
冕服率文武官具朝服行祝天地禮若遇正旦拜天地
後即詣祖廟行禮畢陞正殿出使官便服行四拜禮文
武官具服行八拜禮

十八年定凡遇聖節及正旦冬至節日行告祝天地禮
其日設香案于露臺上設王拜位于案前文武官拜位
于丹墀之東西王冕服就位各官具朝服隨班四拜王
詣香案前跪衆官皆跪王致詞訖隨意致詞俯伏興復位衆
官皆俯伏興又四拜禮畢 凡遇中宮壽日王冕服

妃具禮服設香案于內宮門露臺上行告祝天地禮先
四拜興王詣香案前跪告祝訖俯伏興復位又四拜禮
畢不用樂百官不隨班 凡遇東宮壽日行告祝禮王

皮弁服百官俱朝服隨班行禮

儀同前

弘治五年奏准郡王將軍凡遇拜賀聖節等項各照爵職崇卑立班行禮

嘉靖六年題准郡王管理府事者凡遇聖旦正旦冬至等節鎮巡等官于布政司行禮其管理府事郡王率各郡王將軍中尉儀賓教授等官于本府行禮

凡進賀表箋

洪武十八年定凡遇正旦冬至預期進賀表箋萬壽聖

節預期進賀表文俱行十二拜禮其日清晨設龍亭于正殿中設儀仗大樂于露臺西設表箋案于龍亭前設香案于表箋案前進表箋使者立於香案東捧表箋官立于香案西設香案亭於承運門中道設王拜位于露臺上百官拜位于丹墀王冕服就位百官朝服隨班班齊贊鞠躬樂作四拜平身樂止引禮啓請王詣香案前跪贊百官皆跪執事者以表箋跪授王王受以授使者使者跪受置龍亭訖俯伏樂作興樂止復位贊鞠躬樂

作四拜平身樂止啓請王搢圭贊百官搢笏鞠躬三舞
蹈跪山呼者三啓出圭贊百官搢笏俯伏樂作興又四
拜樂止禮畢儀仗鼓樂導前百官朝服送至郊外王送
至宮城門就回護衛官從王還宮

凡遇特進中宮箋文王冕服百官朝服隨班行十二拜
禮陳設如前儀班齊四拜啓請王詣香案前跪百官皆
跪執事者以箋跪授王王受以授使者使者跪受置龍
亭訖俯伏興復位再行八拜禮畢不必舞蹈山呼

凡遇特進東宮箋文陳設如前儀王具皮弁服百官具朝服隨班行四拜禮啓請王詣香案前跪百官皆跪執事者以箋跪授王王受以授使者使者跪受置龍亭訖俯伏興復位又四拜禮畢

天順六年奏准郡王同居一城者從尊屬拜進表箋卑屬隨班行禮其另居一城者照例各自拜進

嘉靖十六年題准凡王府奏進慶賀謝恩疏及表文但稱聖號不許用家人禮

凡進貢禮物

弘治十七年題准凡遇萬壽聖節千秋正旦冬至節各王府許進禮物馬匹慶賀每節差人止許一起其餘如扇鮓之類俱不必進如差人過多自脩脚力回還不許應付

正德四年議准各府庶人不許越分進貢

嘉靖八年奏准各王府及總鎮內外進貢馬匹務將毛色齒歲脩細造冊送部委官一員照冊看驗分別等第

送鴻臚寺類進

迎詔 迎祭受歷附

王府迎接詔勅書各有處所郡王將軍中尉及文武官隨從行禮各有班次今備書之而以迎祭受歷禮附後

凡迎接詔赦

洪武六年定凡遇詔赦至王國武官隨王侍衛不出郊外文官具朝服出郊外奉迎安奉詔赦于龍亭乘馬前

導王具冕服于王城門外五丈餘地奉迎至王宮置龍亭于正殿中王于殿前臺上先行五拜禮畢陞殿侍立于龍亭東側武官護衛文官于臺下自行十二拜禮跪聽開讀

又定凡使者欽齋詔書至王府至王城門外一里遠下馬隨龍亭由中門靠東邊入龍亭至殿中使者立于殿外東序西向候行禮畢使者見王行四拜禮

十八年定凡有特旨御筆至王所則遣官于郊外迎接

設香案于殿中候使者至宮門外王出迎使者以聖旨置殿上香案導引啓王四拜興詣香案前使者以聖旨授王王跪看畢仍置於案俯伏興復位又四拜禮畢各官不必陪班

嘉靖二十七年題准各郡王同居一城者迎接詔勅禮儀輪遞從尊行著為定式

萬曆十年議准行禮次序凡遇迎接詔赦親王先率郡王將軍中尉于殿前臺上行五拜禮畢親王侍立于龍

亭之傍郡王等爵分班侍立於臺上俟文武官先行四

拜禮畢郡王等爵俱同各官跪聽宣讀讀畢仍復原班

候各官再行八拜禮畢以次而退

萬曆六年例

若郡王管理

親王府事及另城郡王管理府事者迎接詔赦文武官

俱於本布政司府州衙門行禮抄黃送管理郡王自

率宗儀行禮

嘉靖十八年例

其拜賀聖節等項亦照爵職崇卑

立班行禮如有錯亂失序及倨慢不恭者許典儀等官

糾舉聽本王叅治

凡代行禮儀

萬歷十年議准各王府迎接詔赦及慶賀等項禮儀如親郡王年老有疾不能行禮者先期奏請世子長子代行其府中諸務仍自行管理不許世子長子干預以起釁端若王果患篤廢之疾勢難管理者具奏行勘明白請勅世子長子代理正德四年例至於王已老疾世子長子先故者亦許世孫長孫代行若以世孫行禮請給世子冠服者請旨定奪


凡迎祭

萬曆二年議准凡朝廷遣祭各王府若龍亭至本府於大門外降階跪迎入廟遷主于傍宣讀畢復降階叩謝

凡受歷

洪武十八年定每歲九月初一日欽天監進次年歷日頒訖即遣使者齎歷至王國長史司官先啓聞設香案于殿上王常服出殿門迎接使者捧歷詣殿上置于案退立于案東引禮引王詣前贊四拜贊跪使者取歷立

授王王受訖以授執事者復置于案贊王俯伏興再四
拜禮畢後頒歷以十月初一其王府歷日亦不遣使
但附于各府齋捧進賀冬表人員順齋頒授



禮部志稿卷十五